

Mitus Vasina COVID-19

Mitu: Ita bele hetan COVID-19 husi vasina ne'e

Lia loos: Ita la bele hetan COVID-19 husi vasina tanba vasina sira ne'e la kontein virus moris ho nune'e la bele kauza moras. Vasina sira ne'e kontein kódigu jenétiku ida ne'ebé ita-nia sélula uza hodi halo virus COVID-19 uitoan de'it ne'ebé kauza ita-nia sistema imunidade atu prodús antikorpu no resposta imunidade anti-virus sira seluk. Iha possibilidade atu hetan COVID-19 no la bele hatene katak Ita iha sintomas to'o Ita hetan vasinasau.

Mitu: Vasina ne'e muda ita-nia DNA

Lia Loos: Vasina la bele no la muda DNA. Vasina fó alerta ba ita-nia sistema imunidade, katak iha buat ruma iha ita-nia isin ne'ebé loloos la bele iha ne'ebá. Vasina COVID-19 kontein porsau ki'ik ida husi virus ne'ebé dudu ita-nia sistema imunidade atu responde hasoru ida ne'e. Ita nia sistema imunidade lembra kona-ba resposta ida-ne'e no pruntu atu kombat COVID-19 karik hasoru iha futuru.

Mitu: Vasina ne'e la seguru, ne'e halo lalais liu

Lia Loos: Vasina COVID-19 ne'e teste ona ho kuidadu hodi asegura katak sira seguru. NHS sei la oferese kualkér vasinasau COVID-19 ba públiku to'o vasina ne'e seguru atu oferese. Padraun [MHRA](#) ba seguransa no efikásia seidak halo mudansa tanba velocidade produsaun no teste, duke hein to'o teste klíniku ne'e remata hodi avalia dados ne'ebé analiza ona durante teste ne'e ne'ebé mak ajuda aselera ona prosesu aprovasau.

Mitu: Vasina la seguru ba comunidade BAME

Lia-Loos: Laiha evidénsia kona-ba vasina sei funsiona ho maneira diferente iha grupu étniku diferente. Partisipante sira iha teste vasina [Pfizer](#) inklui 9.6% metan/Afrikanu, 26.1% Ispániku/Latino no 3.4% Ázia. Iha teste vasina [Oxford/AstraZeneca](#) 10.1% of respiciente ne'e Metan no 3.5% Ázia. [Vídeo](#) foun ne'e ho objetivu atu to'o ba comunidade étniku minoria ne'ebé dúvidas kona-ba vasina Covid.

Mitu: Se Ita simu ona vasina Ita la bele hada'et ona COVID-19 ne'e ba ema seluk

Lia Loos: Seidak hatene karik ida ne'e sei hapara ita atu hetan no transmite virus ne'e, ne'e ita espera atu redús risku ida-ne'e, maibé importante mak atu tuir nafatin orientasaun.

Mitu: Ita la prezisa vasina ne'e se Ita hetan tiha ona COVID-19

Lia loos: Reinfesau ne'e posivel, no ida ne'e seidak hatene lori tempu hira ema sira ne'e bele protejidu husi COVID-19 se sira uluk hetan tiha ona. Tanba risku saúde ne'ebé grave asosiadu ho COVID-19 ema sira ne'ebé mak hetan ona sei oferese nafatin vasina ne'e.

Mitu: Vasinasaun ne'e redús Ita-nia fertilidade iha futuru

Lia-Loos: Laiha provas ida mak hatudu katak vasinasaun ne'e afeta ba fertilidade. Orientasaun [Saúde Pública Inglaterra](#) hateten katak laiha konsellu atu evita gravidés depoisde vasinasaun COVID-19

Mitu: Feto sira gravida labele hetan vasina

Lia-Loos: Vasina sira ne'e seidak teste ba iha gravidés, entaun até mais informasaun disponivel, ba hirak ne'ebé mak gravida labele hetan vasina ne'e rutinamente. [Komisaun Konjunta ba Vasinasaun no Imunizasaun \(JCVI\)](#) rekoñese ona katak benefísiu potenciál husi vasinasaun ne'e partikulármente importante tebes ba feto gravida sira balu inklui sira ne'e mak iha risku aas atu hetan infesaun ka sira ne'ebé mak ho kondisaun klíniku ne'ebé tau sira iha risku aas atu sofre komplikasaun sériu husi COVID-19. Estudu la'os-klíniku ba vasina Astra-Zeneca COVID-19 la hamosu preokupasaun. Orientasaun [Saúde Pública Inglaterra](#) rekomenda ba Ita atu adia doze daruak to'o depois gravidés ne'e remata ([se karik Ita iha risku aas](#)) se ita gravida depois simu doze primeiru.

Mitu: Se Ita fó-susu hela ida ne'e la seguru atu hetan vasina

Lia Loos: Laiha dadus kona-ba seguransa vasina COVID-19 iha susu-been inan nian ka oan ne'ebé fó-susu. Maske nune'e, vasina COVID-19 la konsidera hanesan risku ba bebé ne'ebé sei susu hela, no mós benefísiu husi inan ne'ebé fó-susu ne'e koñesidu ho dí'ak. [Saúde Pública Inglaterra](#) rekomenda ona katak bele simu vasina uainhira fó-susu hela.

Mitu: Vasina kontein produktu na'an fahi

Lia Loos: Fabrikante vasina [AstraZeneca](#) no [Pfizer/BioNTech](#) konfirma ona katak vasina ne'e la kontein kualkér ingrediente animál nian no la utiliza sélula orijen-animál nian.

Mitu: Vasina kontein ka'an-fuan parte husi abortu nian

Lia-Loos: Orientasaun [Saúde Pública Inglaterra](#) nian konfirma laiha material ka'an-fuan mak presente iha vasina final. AstraZeneca konfirma katak ninia vasina la dezenvolve uza liña sélula MRC-5 maibé uza duni sélula tipu diferente ne'ebé foti husi feto ida nia ka'an-fuan abortu ona iha serka 1970. Sélula ne'e uza atu espalla virus ne'e ba vasina maibé sélula hirak ne'e la konsege to'o iha vasina final.

Mitu: Ita presiza número NHS hodi hetan vasina

Lia-Loos: Se ita la hatene Ita-nia número Ita bele rejistu nafatin ba vasina iha [NHS](#) nia website.

Mitu: Vasina ne'e kontein microchip ida

Lia-Loos: Laiha microchip iha vasina. Mitu ida ne'e deskonfia ligadu ho [artigu](#) ida ne'ebé laiha ligasaun ho vasina COVID-19 publika ona husi peskizadór sira MIT nian ne'ebé dezenvolve meius foun atu rejista istória vasinasaun pasiente ida nian. Informasaun sira ne'e rai iha forma tinta nian ida, labele haree ho matan deit, ne'ebé haruka ona iha isin-kulit iha tempu hanesan ho vasina. Tinta, ne'ebé mak kompostu husi nanokristal bolu pontus kuántiku, bele hela nafatin pelumenus ba tinan lima iha isin-kulit, iha ne'ebé tinta ne'e emite besik ahi inframean ne'ebé bele deteta husi telemovel ka smartphone ne'ebé especialmente ekipadu. Ida ne'e la'ós microchip ida, úniku informasaun ne'ebé mak tinta ne'e sei prodús mak karik ita hetan ona vasina ne'e ka lae no métodu foun ida ne'e seidak uza iha vasina COVID-19

Mitu: Vasina la funsiona ho tempu hein semana 12 entre dozes

Lia-Loos: [Xefe Médiku sira Reinu Unidu nian konkorda ona](#) prazu naruk entre doze primeiru no segundu hodi nune'e ema barak bele simu sira-nia primeiru doze ho lalais, no tanba provas hatudu katak doze ida sei ofere se nafatin nivel protesaun ida ne'ebé mak aas. Desizaun ida ne'e sei permite ita hodi hetan benefísiu ne'ebé másimu ba ema barak ho tempu ne'ebé badak no sei tulun salva ema nia vida

Mitu: Se ha'u la konsege ba sentru vasinasaun massal Ha'u sei lakon oportunidade atu hetan vasina

Lia-Loos: Enkoraja ema hotu-hotu atu hetan [vasinasaun](#) iha oportunidade inísiu, karik ita labele ka lakohi atu ba iha sentru vasinasaun massal Ita bele hili hodi hein no hetan vasinasaun husi Ita-nia doutór-família ka GP.